



责任审校 胡静怡 周永红

胡静怡（5首）

采桑子·端午

孤忠抱石沉湘上。角黍生香，蒲酒生光。万古龙舟撼岳阳。
谪迁犹未忘忧国。荣辱何妨，生死何妨。一卷离骚见脊梁。

菩萨蛮·宁乡天龙峡

隐天蔽日参差树，山重水复回环路。奇石色斑斓，飞虹卧
此间。

鸣泉声细细，犹话千年事。一峡冠江南，云深密印庵。

西江月·自许

孔雀自珍翎羽，灵猫倍惜髭须。未曾弹铗食无鱼，不慕周
公吐哺。

留得几根瘦骨，支撑七尺微躯。二郎腿坐碧云居，笑看斑
鸠乱舞。

西江月·读贾谊《过秦论》

惯指鹿儿为马，惯于信口开河。秦方二世便么锣，怪地？
怪天？怪我？

汝视民为草芥，民轻汝若猪猡。阿房宫里佞臣多，难敌连天大火。

虞美人·人生

人生恰似搓麻将，一把糊涂账。我和七万你么鸡，三十河东四十又河西。

尔虞我诈玩心计，都在当奴隶。烟笼寒水月笼沙，只有牌场老板是赢家。

熊治祁（5首）

望江南·湘江咏五首

湘江水，源出海洋山。北下灵渠驰旷野，惊涛直拍洞庭澜，空际淼漫漫。

湘江水，流域俱殷昌。最爱黄波连碧浪，稻香秋日泛山乡，千古誉粮仓。

湘江水，啼竹怨湘娥。屈贾行吟忧国运，少陵到此发悲歌，洒泪化涛波。

湘江水，古渡会朱张。天下英才趋胜地，弦歌不绝麓山傍，洙泗在潇湘。

湘江水，近世聚风云。曾左湘军挥大纛，燎原星火起江滨，九域换乾坤。

陈书良（1首）

浣溪沙·与高毅、胡晖、尤凤夜游凤凰，忆胡君尊翁旧事

白首携游信有缘，南华灯火令人怜，风流熊沈渺如烟。
莫对故人思故事，且将残酒斗残篇。易安新试杏花笺。

熊东遨（5首）

满庭芳·甲辰元夕冰后过尖山湖公园

隙草萌青，潜鱼飞白，一轮春到湖西。旧交三五，扶醉过长堤。记得那年今日，闲文字、曾斗新奇。桃花岸、各凭酒兴，成就几篇诗。

思伊。终不见，忍看竹爆，愁听鸦啼。漫环顾周遭，幻影离披。恰似淮村兵后，前朝事、虚实挪移。非常梦，私藏少许，归去赋无题。

鹧鸪天·春半华南植物园小游纪兴

费尽诗家彩笔描，岸芽园笋日增高。春行秋令飞黄叶，花占风头动赤潮。

鱼抢水，雀争巢，有时生意在喧嚣。偕游小遂开年梦，不负长亭酒一瓢。

生查子·谷雨后一日二三子东湖漫步拈韵得“斗”字

几个有缘人，共沐湖光走。月踏二分凉，蛙听千重奏。

水面聚风烟，水底潜星斗。多少未知因，一概消于酒。

西江月·甲辰夏重登岱岳

入望青犹未了，象形红已添加。层云归鸟旧生涯，或有神威能假。

响石泉弹妙曲，盘峰雾结霜花。晚晴川外见风沙，小却诗家天下。

夜行船·甲辰夏重泛大明湖

柳眼垂青荷不语，任孤舟、自由来去。戏藻鱼腾，逐帆鸥舞，认作伴游仙侣。

记得诗盟初缔处，待重寻、醉归谁与。拾梦尼山，听泉陋巷，终是野心难驭。

覃明德（2首）

浣溪沙·端午

端午迫眉雷雨声，楼高未必恋乌云。断虹一抹晚来晴。
且趁新凉磨老墨，不同古画道知音。梅酸溅齿粽如菱。

浣溪沙·癸卯除夕戏赋

人世流年怯寂寥，四时佳节到今宵。载歌载舞佐醇肴。
爆竹声充雷角色，烟花色笑蜃皮毛。迎新辞旧起高潮。

吕可夫（5首）

鹧鸪天·初中同学聚会

一别重逢六十年，斑斑霜鬓忆从前。书声唤日竹山上，梦想摘星松岭巅。

林荫道，菜花田，青葱岁月激情燃。沧桑历尽人虽老，幸有红霞尚满天。

临江仙·听刀郎《罗刹海市》

三寸黄泥烂地，一丘黑炭污河。鸡狂驴傲舞婆娑。衣冠鲜楚楚，面目丑多多。

虽是《聊斋》故事，俨然醒世新歌。十年心血琢兼磨。俗
词开脑洞，俚曲激心波。

虞美人·甲辰清明扫墓

解人心事潇潇雨，净洗山间树。丹流绿滴紫堆烟。杜宇声
声、调寄鹧鸪天。

依然这截青苔路，屐印年年数。坟前翠柏又新条。舞起春
风、轻向烛花摇。

临江仙·甲辰处暑

爽气初消暑气，蛩鸣悄换蝉鸣。梧桐叶落赋秋声。新凉生
早晚，苦热失峥嵘。

山静禽音更远，水澄鱼影尤清。天空云淡雁伶仃。残年三
逝二，疏鬓雪添冰。

蝶恋花·秋分

白露凝寒秋过半。望眼迷离，影渺云中雁。金粟黄槐开绚
烂，芳华欲给谁人看？

水远山长无计算，海角天涯，况隔银河岸。鬓渐飞霜心渐
淡，春弦恐被西风断。

罗冈（2首）

捣练子·春游两首

春色好，日光妍。游兴浓时孰解怜。欲语还休情缱绻，每逢相别意缠绵。

将骤雨，涨浮烟。感晤春温信有缘。洞豁泉幽风景异，柳芽花蕊梦相牵。

张建明（3首）

沁园春·自卑亭

静处嚣尘，澹却寒风，换了性情。对魔形幻影，尊卑自适，披霜澡雪，漫味温馨。心卧清纯，意牵道地，荷重偏看步履轻。流波易，只孤眠寂寞，消遣峥嵘。

林间又起新声，教莫是松鸦作鹤鸣。借麓山云梦，横空睨目，中庸未谙，直接高明。谁醒沉沦？谁磨羽翼？赚得逍遥似大鹏。思量久，借自卑滋味，解释平生。

洞仙歌·夏夜

重炎炼夏，只汗飞烦扰。入夜无风问栖鸟。月窥帘，暗许凉梦芸窗，窗不寐、字捉“蝉声未少”。

兴来犹把盏，邀月磨云，写意寒江雪中杪。醉问雪如何，止渴梅诗，徒消受、童心悄悄。欲唤醒西风早相嬉，却热透高枝，话传知了。

青玉案·送英蒿兄还丽江

彩云不掩湘天路，任诗酒、随君去。老翅孤征情暗度。丽江闲鹤，长沙晓竹，梦合曾经处。

当年小酌城南暮，《证道歌》温上人句。笑问修持高几许。夜深渔火，风中柳絮，纸上黄梅雨。

谢宏治（2首）

浣溪沙·二贤祠

岳岭秋深蟾影圆，奚囊藜杖步寒烟，路遥心祭古祠前。
一代鸿儒追孔孟，千年正道耀山川，朱张学派振南天。

蝶恋花·邨侯书院

午后斜阳空碧树，花落庭香，朱凤云中舞。满眼溪声何处去，湘清岳峻烟霞古。

端坐正襟深闭户，架插群书，心沐春风雨。煨芋灶边闻偈语，十年宰相鲲鹏翥。

周永红（2首）

如梦令·难怪

圈子有人划定，头目有人授命。莫怨那谁谁，权力确乎受用。来劲，来劲，财色恁般任性。

金缕曲·拈韵得“亦”

阉韵殊难亦，且依声，勉为长句，向枯肠索。从古诗书憎闻达，慎莫形劳心役。镇日里，耽文字癖。遥想少陵精细处，累千篇，只似尼丘厄。悲愤作，叹遗直。

还须奋起春秋笔，作投枪，刺世疾邪，破心中贼。廊庙江湖兼忧乐，剑指神坛鬼域。更粪土，王功霸绩。万里舆图轮流转，料难能，跳出周期律。空负了，贾生策。

曹春华（4首）

燕归来

柯笛曲，桃花诗。应是两相知。东风只待燕儿归。梁上弄春泥。

相思句，香烧字。君若知，何须记。高冥星汉复东西。梦向彩桥低。

鹊桥仙·端午返乡

清明已去，端阳又至，老屋门庭萧索。梁间蛛网封陈迹，
只听得几声燕雀。

慈颜不再，乡愁未减，一任此身漂泊。春来忽忽春还去，
思旧事桩桩如昨。

鹊桥仙·七夕用秦少游七夕词韵

几支笛曲，一汪烟墨，漫把时光虚度。凭窗独坐影和吾，
共销得落花无数。

纱帘半卷，暖香微动，新月纤纤云路。人间自在是清欢，
且管领风朝雨暮。

踏莎行·折梅赠人

雨后依依，风前故故。怡人最是梅花树。幽廊石径小园
深，梅花开在深深处。

萼抱冰魂，香凝玉露。折来携向贤兄语：我将素手赠清
欢，赠君枝上春无数。

曾爱明（4首）

临江仙·春词

池上花开娇眼，风中谁立斜阑？楼台千里是蓬山。亦知云影动，宁作故人看。

记取碧窗似昼，奔来珠汗如丸。虫声轻乐共循环。漫言星与月，欢喜小心瞒。

蝶恋花·无题

泪落声声声欲碎，风又多情，揉皱笺中念。矮纸斜行曾抚遍，余温犹在斯人远。

已累身形为表演，洗罢残妆，还我真真面。今夜山楼应月满，芸窗许共伊谁伴？

喝火令·随感

江上将沉树，天边若隐星。筒车一转一回声。沙石铺成仄径，应识步谁轻。

世事终难筮，浮华本不争。经年返顾竟如萍。亦有风来，亦有草儿腥，亦有逐人秋月，不是旧心情。

渔家傲·秋思

记取跻攀风与共，老藤古木论谁种。饮罢清甘泉一捧。天也纵，行歌欲和鸣禽颂。

又是枫红喧作涌，轻寒更早云边送。坐卧小楼人冗冗。听帘动，明朝碎落秋山梦。

段永松（5首）

念奴娇·冬月

碧空如洗，正秋容敛尽，菊开时节。当户一轮飞镜满，流照河山孤洁。冷露浮光，寒池漾影，望处人踪灭。也无风雨，妆成画上清绝。

乘兴静倚书窗，手持醅酒，来对陶彭泽。淡雅生涯休莫莫，自把今朝怡悦。拥鼻轻吟，搔头凝坐，那放风骚歇。悠然赢取，心魂表里澄澈。

踏莎行·暑日游益阳老城

古屋荒城，危墙老树。夕阳回首南津渡。石街犹有旧时痕，依稀昔日繁华处。

汉魏烟云，隋唐风露。尽随流水天涯去。空余往事付游人，黄昏月上蝉无数。

汉宫春·早春

多谢东皇，露前村雪畔，一簇南枝。斜横疏影，便传幽信天涯。冰销冻解，暖相催，青上园池。鸿渐过，煦阳初起，香浮新柳丝丝。

于是江南烟雨，尽屏山画里，幻出尘姿。轻红浅白，霁光摇目参差。溪桥野渡，递芳菲，淑景迟迟。春到也，风来绮陌，不游更待何时。

一剪梅·早春

雨过东郊翠欲浮。思作春游，来作春游。步过乡野更夷犹。花遍林丘，香遍林丘。

杨柳新垂百种柔。山也清幽，水也清幽。平生山水最相投。好是勾留，何不勾留。

摸鱼儿·定王台怀古

望城头，高台何在，空余缙楮叹息。当年渭水城边土，都作人间砖石。何处觅，惟自见，羽声虹影横虚碧。茫然无迹。尽南楚苍烟，洞庭青草，千载独相忆。

伤凝伫，漫对山川沟洫。繁华来去谁惜。几多兴废悠悠事，满目埃尘堆积。天不恤，天只管，春花秋雨催流易。与时休戚。待说向琴箫，长随诗咏，静倚夕阳立。

胡晖（5首）

木兰花慢·世间诚有问

世间诚有问，究何处，隐悠悠？是别有瀛洲，共工触后，山海沉浮？是天外来客至，本迢迢银汉度春秋？太古一经相恋，传人自此长留？

叶公真假问无由，竟日惹人愁。料不久吾曹，上巡星际，下探洋沟。但得雄魂今在，问如何霖露泽神州？故卷天风海雨，年年二月抬头？

注：诗友邀约迎龙年咏龙，但言从未有见，何以描状？故拟稼轩《天问》体赋此。

鹊桥仙·七夕

人间天上，今宵何异，秋水望穿无数。遥知仙鹊未来迟，应不负，此盟千古。

蒹葭将白，麓枫将赤，不日江南秋雨。梧桐岁岁却无声，与谁湿，一天风露。

人月圆·癸卯中秋女儿归国有怀

满街桂蕊吾儿喜，欲捻着罗衣。今朝江畔，华灯竞处，人月圆时。

南郊晌午，北城半夜，笑语相携。归来迟睡，清光入牖，
香鼓帘帷。

定风波·癸卯初冬登岳麓山

莫道霜枫色不鲜，三湘难得可人天。百里晴川谁与约，雀
跃，囊中携酒近林泉。

石径盘盘嫌客挤，忽记，山空犹是一年前。绿马如今何处
去，不语，岭头唯见碧云闲。

注：绿马者，核酸检测绿码也。

定风波·岳麓书院吹香亭赏荷

半亩方塘入眼青，麓云驻足享空明。数点粉红疑入定，沉
静，平生不与百花争。

想象曾经书院后，风瘦，桐荫别径几人行。山寺晚钟声未
落，如约，清香几缕过凉亭。

黄波（4首）

卜算子·甘棠

连翘惯披金，灼灼桃如火。洁白芬芳小巧花，鲜嫩甘
甜果。

骚客困名缰，利把凡夫锁。面具千张戏几台，尔伴天真我。

临江仙·深圳梧桐山

峰号鹏城第一，人称世外桃源。奇花佳树溢诗篇。健身多去处，遣兴似神仙。

飞瀑传情奇石，珍禽表白云烟。亦谋私语与苍天。山巅移不动，移我到山巅。

诉衷情·至麓隐青竹湖

深深庭院是君家，菡萏伴鸣蛙。小亭雨链多趣，蜂蝶绕繁花。

芸馆里，主斟茶，客相夸。吟诗泼墨，不忘天真，不叹年华。

青玉案·至望城区金成水乡

晴波倒映青青树，稻低首、鸥张羽。荷叶轻摇蜂伴舞。龙虾千亩，甲鱼千亩，惬意听蛙鼓。

鸡汤浓似西施乳，蔬菜铺开健康路。鱼鳖新鲜还大补。下回闲散，仍来此处，岁月悠悠度。

黄去非（4首）

浪淘沙·癸卯重阳未能登高，戏赋小词，用欧阳永叔韵

转眼又金风，何处雍容。人生长恨水长东。最是尘寰多俗累，孤负霜丛。

岁月太匆匆，漫说羁穷。心宽自在有花红。待约明春齐载酒，还与君同。

八声甘州·癸卯腊月十一日夜归见大雪

迎春天明赋此用“多”字韵

听萧萧一夜朔风寒，冻手自频呵。恰街空灯暗，宵深人静，飞絮如罗。隐隐霏霏飒飒，直接洞庭波。顿使三湘上，鬓发新皤。

照眼琼枝玉树，伴黄梅璀璨，冬桂婆娑。更群娃嬉闹，矫捷似投梭。正宜人、红炉绿蚁，共相知、对酒且轻歌。逢残腊，最伤情处，去日何多。

雨中花慢·癸卯小年前夜珍珠山琴德堂听琴与

岳生教授同赋用苏轼原韵

岁暮偏逢冻雨，镇日寒凝，如散轻烟。生喜柳芽开眼，梅朵联钱。山号珍珠，堂名琴德，不愧芳园。看贤主静雅，高朋

络绎，暖意萦连。

泠泠弦上，幽情无限，共汝坐对灯前。轻拂处，绕梁余韵，使我欣然。落雁平沙悠飏，醉渔唱晚清妍。几人能会，良宵如此，正好迎年。

惜红衣·与诸友同赋新荷用白石元韵

紫楝惊风，红蓼殢雨，感他神力。转眼春深，郊原泻澄碧。偕游胜侣，真不负、承平词客。寥寂。湖面镜心，透清和消息。

平波万顷，新绿千枝，盈眸正狼藉。谁知渺渺水国，亘湘北。暇日轻舟飞桨，旧是共伊曾历。忆慢摇轻飏^①，恰似璧人颜色。

注：①飏，读“样”。仄声。

雷凡（3首）

鹧鸪天·乡居

莺雀啾啾唤我醒，推窗一望又晴明。花燃南圃依邻舍，日带东风映画屏。

山已翠，亩初耕。荷锄背篓垄间行。溪边种点瓜和豆，秋后饴孙好进城。

清平乐·天鹅湖农庄休闲

山冈树密，雨后长空碧。林畔湖光天一色，忙里偷闲难得。

元妻采蕨山巅，小儿学钓亭边。最喜莺声悦耳，啾啾飞过檐前。

踏莎行

四野花飞，一庭地白。近山远水浑无隔。田间乌鹊好清闲，飞来落去无踪迹。

梅蕊初开，暗香已得。潜入门楣萦旧宅。妻呼小女拍妖娆，青春自有娇姣色。

李春梅（4首）

临江仙·晚归

灵麓初笼暮色，沧流渐隐斜晖。繁华轻启魅之帷。车龙随浪涌，灯火逐人归。

歧路各生明灭，行藏自隔云泥。生涯同喜不同悲。平安存一念，去住莫相违。

御街行·东北二人转

板胡唢呐闲时约，绢伞欺花萼。唱说扮舞那双人，尘梦玲珑参错。乡音乡俗，新腔旧调，楚楚风情著。

红唇翠句多谈谑，中有清平乐。偶来痴怨寄无端，真意此间谁托？台前幕后，浮生万事，一曲莲花落。

注：板胡、唢呐，二人转常用乐器。唱、说、扮、舞，二人转技巧。

忆江南·春词

春未老，日影漫虚窗。一卷氤氲阶外绿，几枝窈窕座前香。皴染慢时光。

山花子·江南现桃花雪

天鼓訇然挝九冥，桃花雪报夜无凭。料一城春飞蛺蝶，太飘零。

晨梦犹酣襟上朵，纤枝早染眼中青。几点朱樱新过雨，更盈盈。

刘国辉（4首）

减字木兰花·山村见闻

村头村口，饭后茶余随意走。一望无涯，看罢桃花看菜花。

莺声一串，柳外烟堤寻不见。童叟坪前，笑逐东风放纸鸢。

踏莎行·清明挂山

细雨飘飘，轻寒漠漠。山中阵阵青烟落。隔林山鸟号悲鸣，声声啼彻山之角。

村酒频浇，清香慢灼。坟前欲与相思托。生前故事记犹新，谆谆教诲难忘却。

清平乐·闲步有题

茶余饭后，随意村中走。雾绕山林云出岫，绿树繁花竞秀。

人山物我悠哉，清香抚面开怀。几许清风拂过，路边栀子花开。

踏莎行·望城访惜字塔

烈日迎头，熏风扑面。寻幽访古城乡串。山村美丽看茶亭，新颜旧貌惊天变。

古塔悠悠，新荷片片。沿途景若琼林苑。塔尖朴树最神奇，百年犹再葱茏现。

刘建中（1首）

一斛珠·赠诗友

一杯在手，清词妙句凭谁有？天高海阔君知否，八秩欣然，渭水垂纶久。

世事如棋常在走。开心又遇诗中友，香山名社曾为首。聚会当吟，更进三杯酒。

刘杰（3首）

雪花飞·梅花赋

尘外花开缓缓，楼头雨过微微。归梦依依未得，还恁迟迟。

今昨元无定，枯荣不可违。携得清香去也，看雪花飞。

定风波·与长沙诸友饮燕岳麓山半山泉茶楼

幸与名山作近邻，暖阳红叶最相亲。策杖强行行一半，轻叹。僧钟幽梵远凡尘。

思虑昏昏无意绪，懒顾。婆娑树影入清樽。不是疏狂贪醉态，无碍。暂逃形役养精神。

菊花新·看菊

不碍疏篱和陋巷。懒管季鹰与元亮。霜蕊向西风，依旧是、当初模样。

世人笑我深着相。漫嗟呀、浅斟低唱。又乱写新词，将过往、小心轻放。

刘正奇（2首）

临江仙·楚沔江河菜馆

晓色楼台之未远，玉山书院为邻。氤氲还傍碧潭皴。人间烟火气，不墨画中亲。

舟楫风光名与利，通江达海劳神。天涯踏遍是红尘。万般终莫似，一桌菜长温。

醉花阴·老屋

泥香陌上青鞋瘦。茅屋三间旧。新篴发墙西，石砌阶基，烟火柴堆就。

晓莺眉柳牵衣袖。犬吠池塘右。陶令半章诗，刻意为之，不似儿时候。

罗伟雄（4首）

浣溪沙

橙破并刀玉碟中，吴盐胜雪蜡灯红。小楼今夜过春风。
好梦赠卿宜早睡，柔荑捉我似初逢。面窗同看月溶溶。

临江仙

谁在那年寒夜里，围炉脆语叮当。是时大雪正飘扬。深情难细说，闲话夜来香。

不要妄图人懂你，我们一起忧伤。相逢短暂也绵长。举杯无幻想，窥镜有青霜。

蝶恋花

醉里扣舷歌渐杳。轻水波生，那得舟回早。漫拥愁眠愁正好，夕阳辉送天边鸟。

打桨旧时花满道。子画清荷，我画莲心俏。衣带渐宽人渐老，江湖终是团圆少。

南乡子

信纸与香烟，短裤单车野稻田。唾沫班花啤酒屋，蓝天，叫我如何忘那年。

帆布伞香肩，雨巷书包并蒂莲。鸽哨童谣蝴蝶结，无缘，此后芳容只梦边。

罗忠诚（3首）

金缕曲·步刘杰韵

峰上青云路。望长沙，湘江沧浪，橘洲烟渚。山径晚亭轻风起，书院难开樽俎。赫曦台、何人且住？白鹤泉隔新镜影，挂纶巾，红叶随风舞。应伴我，振衣去。

千年渡口经寒暑。到如今、荃蕙椒兰，尽成禾黍。若使长材总困蹶，衡岳谁堪为主？如椽笔，由天付与。一旦星文惊四海，宴柏梁，邀月悠然处。诗和赋，终生侣。

水调歌头·己亥年中秋抒怀

竟夕对明月，无语寄飞鸿。麓洲遥望衡岳，眷眷意难穷。三载乡关归梦，卅载功名遗恨，禁得几秋风？且把故乡月，斟

入酒杯中。

少年志，壮年憾，古今同。山河依旧，荆楚何处觅英雄。文以经国治内，武以筹边治外，犹忆左襄公。今夜湘江水，流自淶江东。^①

注：①左宗棠曾掌淶江书院。

水调歌头·乙未年中秋返乡

昨日过衡岳，归雁不成行。苍茫草树风露，我意自凄凉。千里山河依旧，一寸功名乌有，憔悴鬓成霜。乡近更情怯，无语对高堂。

村口柳，枝头月，照横塘。夜阑独立，篱下相忆少年狂。欲览船山思问，堪阅濂溪通易，终是误王昌。世事何须泪，节后又重阳。

石选华（1首）

满庭芳·洞口罗溪国家森林公园

丹桂飘香，秋随人意，假休一念罗溪。宝瑶古寨，吊脚绕山依。万壑群峦叠嶂，放眸望，树杪云栖。临崖瀑，珠飞石罅，寒碧雪翻奇。

心怡。临风笛，青山华盖，秀水瑶池。更行吟江畔，把

酒东篱。问我闲情几许，展慷慨，彩笔新题。歌霜染，万山红遍，如画胜春期。

唐凯（1首）

诉衷情·次韵尧章

六尘妙谛旷心胸，津雾有无中。一壑青溪瘦影，暮鼓近香踪。

归皓首，衡阴松，笑匆匆。分明又是，回雁峰头，粉萼西风。

文雯（1首）

减字木兰花·观井冈山仙女瀑怀红军女烈士

悬泉百丈，溅玉抛珠成绝唱。应是仙姑，来为井冈添画图。

初心长托，汇入赣江红一角。今化飞流，遍泽桑麻志已酬。

肖志国（1首）

凤凰台上忆吹箫·农家乐

一抹朝阳，几多萤语，往来俦侣鸳鸯。任粉沾人面，燕剪衣裳。堪笑园中小囡，追粉蝶，辫角轻扬。回眸处，四围柳翠，满绿荷塘。

寻常，品茶把酒，桑下舞迷踪，妙手文章。或聚朋三五，挥墨书房。时闻鸡声咯嗒，羞小狗，偷占新粮。怡情否？才输象棋，忘罢厨娘。

谢紫云（4首）

长相思·夜梦季子师回潭

日也思。夜也思。苦恨年年相聚迟。案头谁解诗。
盼师归。师已归。正是芙蓉绰约时。蜻蜓款款飞。

鹧鸪天·甲辰菊花塘采风漫兴

雅集兰亭又一年，暮春何叹百花残。芭蕉绿到窗前影，梅子黄时雨后天。

香淡淡，鸟翩翩。落红静卧水云间。行吟不倦豪情在，人爱风流未许闲。

临江仙·癸卯中秋感怀

桂树齐开金粟，黄花尽展芳容。古城无处不香浓。溪牵杨柳陌，枝立白头翁。

大雁云天渺渺，一江碧水溶溶。秋声秋色韵无穷。疫情终去远，岂与去年同。

江城子·游沈园重读《钗头凤》

《钗头凤》里字生寒，不堪看，听啼鹃。几载离愁愁重重如山。一别沈园肠寸断，春去也，叹花残。

沈园今日景斑斓，柳含烟，水拖蓝。情侣双双花下意缠绵。燕剪春波三五对，频弄影，舞翩翩。

赵海燕（4首）

八声甘州·偃王阁怀古

又黄昏时候坐昏黄，极目意阑珊。对云天清澹，霜禽疏远，独个凭栏。漫说前朝隐客，花树旧尘颜。犹伴孤魂者，寂寞湖山。

渐淡思乡故事，总千年王寇，正史难看。叹马疲鼓急，未数骨枯寒。得仁义、原来无用，算兴亡、谁定苦循环。君天下、姓刘姓赵，百姓无关。

浣溪沙·访益阳资阳区

春到城头渲几层？远眉稍重水稍轻。孙吴天色湿烟青。
驻足为贪书卷气，牵裙尤惹细茶馨。采来新果趁心情。

减兰·寄止间书店

止行止意，俱在此时花信里。间白间红，只道东风是
画工。

书香雨静，故事为君翻一帧。店暖春深，留客还留诗
者心。

临江仙·登临海江南长城

天接危梯呼好汉，吾来指最高层。一山云气拥台城。大风
三万里，千载听潮生。

铁甕苔痕青难拂，将军袍落笳声。夕烟此际照清宁。墙头
人立久，隔岸起华灯。

田翔玲（3首）

庆清朝·咏牡丹

紫燕穿墙，黄莺过户，沓来叶底寻春。风姿绰约，铅施
未掩天真。正值春风无主，孤丛唯见御衣新。妖娆态，妒蜂引

蝶，无愧封神。

休说姚黄魏紫，叹叶残花落，只剩香魂。伤春易老，谁人泪染罗巾。应道干卿甚事，雨晴冷暖岂由人。归来处，兰亭曲水，且尽芳樽。

江城子·下厨

一帘风送满厨香，煮新粮，切鲜姜。锅铲翻飞、美味待君尝。纵使油烟熏满面，心欢喜，意昂扬。

家常便饭也风光，色金黄，味悠长。好友亲朋、围坐话家常。最是人间烟火气，温暖处，是厨房。

一剪梅·瘦了心湖

新月如眉下直庐。待月西厢，懒扫庭除。十年心结未舒眉，怨在今宵，忆自当初。

春去秋来万木疏。风卷罗裙，泪湿鱼书。念君消息近知无，冷了丝弦，瘦了心湖。